



Dépôt: M. Pierre Gramegna, Ministre des Finances, le 06.12.2017

7216 - *Projet de loi instituant un registre des fiducies et portant transposition de l'article 31 de la directive (UE) 2015/849 du Parlement européen et du Conseil du 20 mai 2015 relative à la prévention de l'utilisation du système financier aux fins du blanchiment de capitaux ou du financement du terrorisme, modifiant le règlement (UE) n°648/2012 du Parlement européen et du Conseil et abrogeant la directive 2005/60/CE du Parlement européen et du Conseil et la directive 2006/70/CE de la Commission*

Dépôt: M. Pierre Gramegna, Ministre des Finances, le 06.12.2017

7217 - *Projet de loi instituant un registre des bénéficiaires effectifs et portant 1. transposition des dispositions de la directive (UE) 2015/849 du Parlement européen et du Conseil du 20 mai 2015 relative à la prévention de l'utilisation du système financier aux fins du blanchiment de capitaux ou du financement du terrorisme, modifiant le règlement (UE) n°648/2012 du Parlement européen et du Conseil et abrogeant la directive 2005/60/CE du Parlement européen et du Conseil et la directive 2006/70/CE de la Commission ayant trait au registre des bénéficiaires effectifs des sociétés et autres entités juridiques et aux obligations de celles-ci en rapport avec leurs bénéficiaires effectifs; 2. modification de la loi modifiée du 19 décembre 2002 concernant le registre de commerce et des sociétés ainsi que la comptabilité et les comptes annuels des entreprises*

Dépôt: M. Félix Braz, Ministre de la Justice, le 06.12.2017

7218 - *Projet de loi relative à des mesures macroprudentielles portant sur les crédits immobiliers résidentiels et portant modification de:*

- la loi modifiée du 5 avril 1993 relative au secteur financier;

- la loi du 1^{er} avril 2015 portant création d'un comité du risque systémique et modifiant la loi modifiée du 23 décembre 1998 relative au statut monétaire et à la Banque centrale du Luxembourg

Dépôt: M. Pierre Gramegna, Ministre des Finances, le 11.12.2017

3) Les demandes de pétition publique suivantes ont été déposées:

915 - *Demande de pétition publique: Stop slave trade in Libya*

Dépôt: M. Almin Hrkic, le 29.11.2017

916 - *Demande de pétition publique: Play Airsoft/Paintball in Luxembourg*

Dépôt: M. Cyrill Gliedner, le 30.11.2017

917 - *Demande de pétition publique: Prise en charge plus élevée par la Caisse de maladie (veuillez lire: Caisse nationale de santé) pour les aides visuelles et reconnaissance comme handicap*

Dépôt: Mme Michèle Machado, le 01.12.2017

918 - *Demande de pétition publique: Ouverture d'une section francophone primaire et secondaire au sein de l'école européenne/internationale à Junglinster pour la rentrée de septembre 2018*

Dépôt: Mme Roxane Vaudeville, le 01.12.2017

919 - *Demande de pétition publique: Maximales Strafmaß ohne Bewährung für Kinderschänder und Vergewaltiger*

Dépôt: M. Romain Braun, le 28.11.2017

920 - *Demande de pétition publique: Création d'une crypto-monnaie luxembourgeoise portant le nom Luxcoin*

Dépôt: M. Stefano Botta, le 05.12.2017

921 - *Demande de pétition publique: Ras-le-bol des bouchons.....Pour mettre un terme aux caudchemars subis par les résidents et les frontaliers!*

Dépôt: M. Guy Rollinger, le 08.12.2017

922 - *Demande de pétition publique: Pour le tiers payant chez les médecins*

Dépôt: Mme Jill Sterba, le 08.12.2017

923 - *Demande de pétition publique: Abolition de la loi concernant les chèques-services (loi du 29 août 2017) et instauration d'un système gratuit de crèches et foyers scolaires*

Dépôt: Mme Anela Osmanovic, le 11.12.2017

(Tous les documents peuvent être consultés à l'Administration parlementaire.)

3. Ordre du jour

Dann huet d'Präsidentekonferenz fir dës Woch den Ordre du jour virgeschloen, den lech zougestallt ginn ass, mam Schwiéerpunkt Budgetdiskussionen.

Ass d'Chamber mat deem Ordre du jour, wéi e vun der Präsidentekonferenz virgeschloe ginn ass, d'accord?

(Assentiment)

Merci. Dann ass dat esou decidéiert.

Mir géifen dann direkt zum Budget fir 2018 an zur Programmation financière pluriannuelle iwwergoen. D'Wuert huet elo d'Rapportrice fir d'Finanzkommissioun, d'Madamm Joëlle Elvinger. Madamm Elvinger, Dir hutt d'Wuert.

► **Plusieurs voix.** - Très bien!

4. 7200 - *Projet de loi concernant le budget des recettes et des dépenses de l'État pour l'exercice 2018 et modifiant:*

1° le Code de la sécurité sociale;

2° le Code du travail;

3° la loi modifiée du 27 décembre 1817 sur le droit de succession;

4° la loi modifiée du 16 octobre 1934 sur l'évaluation des biens et valeurs;

5° la loi modifiée du 16 octobre 1934 concernant l'impôt sur la fortune;

6° la loi modifiée d'adaptation fiscale du 16 octobre 1934;

7° la loi modifiée du 1^{er} décembre 1936 concernant l'impôt commercial;

8° la loi modifiée du 17 avril 1964 portant réorganisation de l'administration des contributions directes;

9° la loi modifiée du 4 décembre 1967 concernant l'impôt sur le revenu;

10° la loi modifiée du 10 mars 1969 portant institution d'une inspection générale des finances;

11° la loi modifiée du 12 février 1979 concernant la taxe sur la valeur ajoutée;

12° la loi modifiée du 13 juin 1984 portant révision de certaines dispositions législatives régissant la perception des droits d'enregistrement, de succession et de timbre;

13° la loi modifiée du 23 décembre 1998 portant création de deux établissements publics dénommés 1) Centres, foyers et services pour personnes âgées; 2) Centres de gériatrie;

14° la loi modifiée du 9 juin 1999 sur le budget, la comptabilité et la trésorerie de l'État;

15° la loi modifiée du 21 décembre 2001 concernant le budget des recettes et des dépenses de l'État pour l'exercice 2002;

16° la loi modifiée du 4 juillet 2008 sur la jeunesse;

17° la loi modifiée du 17 décembre 2010 fixant les droits d'accise et les taxes assimilées sur les produits énergétiques, l'électricité, les produits de tabacs manufacturés, l'alcool et les boissons alcooliques;

18° la loi modifiée du 12 juillet 2014 relative à la coordination et à la gouvernance des finances publiques;

19° la loi du 25 novembre 2014 prévoyant la procédure applicable à l'échange de renseignements sur demande en matière fiscale;

20° la loi modifiée du 27 juin 2016 concernant le soutien au développement durable des zones rurales;

21° la loi du 29 juin 2016 portant modification d'une disposition en matière d'impôts directs;

22° la loi du 14 décembre 2016 portant création d'un fonds de dotation globale des communes

7201 - *Projet de loi relatif à la programmation financière pluriannuelle pour la période 2017-2021*

Rapport de la Commission des Finances et du Budget

► **Mme Joëlle Elvinger (DP), rapportrice.** - Här President, Dir Dammen an Dir Hären, beim Statsbudget geet et ëm Zuelen, Tabellen, Kalkulationen a Berechnungen. Alles an allem eng éischter dréchen Ugeleeënheet, kéint ee mengen. Wot een awer e Bléck hannert déi plakeg Zuelen, da fënnt een eng sëllege Konzepter a ganz konkret Moossnamen, déi den Alldag vun de Mënsche concernéieren, ob dat haut, muer oder iwwermuer ass. Dat sinn d'Mënschen, déi hei am Land wunnen, an awer och d'Mënschen, déi net hei wunnen, mä bei eis schaffen, an duerfir och en Deel vu Lëtzebuerg sinn.

Wéi entwéckelt sech e Land? Kënne Mënsche sech fräi entfalten? Gi Schwaacher an enger Gesellschaft gefördert? Geet et gerecht zou? Op all déi Froe fënnt een Äntwerten am Budget, well de Budget all Joer déi wichteg politesch Moossnamen zesummefaasst.

De Statsbudget betrëfft jiddwer Einzelne vun eis. Mä fir eng Grupp an deem Land hu mir bei all Budget eng besonnesch Verantwortung: Dat sinn déi vill jonk Leit, Kanner a Jugendlecher hei am Land. Well et si si, fir déi d'Entscheidung vum haut eng besonnesch Bedeutung hunn. Si sinn et, déi am längste mat den Entscheedunge vun haut lieue mussen.

Mir schwätzen hei vun deene ville Jonken, déi haut nach an der Ausbildung oder op der Uni ënnerwee sinn a sech op hire spéidere Beruff preparéieren. Vun deene Jonken, déi nach an d'Schoul ginn a vläicht nach guer net wëssen, wou hir Rees higeet. An awer och déi ganz kleng, déi muer eng Welt kenneléiere wäerten, déi mir eis haut nach guer net virstelle kënnen. D'Welt vu muer ass anescht wéi d'Welt vun haut, esou wéi d'Welt vu gëschter anescht war wéi den Hei an Elo.

Et brauch ee guer net wäit an der Zäit zrëckzegoen, do ware Brëffrëndschaft an Telefonskabinn nach de Facebook a Smartphone vun haut. Kee weess, wéi d'Welt vu muer genee ausgesäit. Nach kee vun eis kennt d'Enzelheete vun der Welt, an där eis Kanner grouss ginn. Mä mir kënnen haut eng Welt vu muer preparéieren an haut eise Jonken déi Instrumenter an de Grapp ginn, déi et hinne muer erlaben, op nei Erausforderungen ze reagéieren.

Grad wéinst eise Jonken dierfe mir keng Budgetspolitik maachen, déi Saachen ni a Fro stellt, dierf et kee Laisser-faire ginn. Fir eis jonk brauche mir eng Budgetpolitik, déi jalone sett, déi Upassungen do mécht, wou et néideg ass, an de reelle Besoine vun enger Gesellschaft, déi sech verännert, gerecht gëtt. De Budget, dee mir virleien hunn, ass e Budget, dee gestalt a kloer Akzenter sett. Et ass e Budget, den net nëmmen den Hei an Elo gesäit, mä verantwortungsvoll no vir kuckt.

Här President, de Budget, den ech haut dierf presentéieren, ass dee leschte Budget vun dëser Legislatur. Fir präzis ze sinn, dréit et sech hei ëm zwee Gesetzter: engersäits dat kllassescht Budgetgesetz an anerersäits d'Gesetz iwwert de laangfristige Finanzplang bis 2021. Ier ech op d'Detailer vum Budget agoe wäert, e puer Wieder zum wirtschaftlechen Ëmfeld.

Et ass kee Geheimnis: Eist Land ass duerch seng Gréisst, seng staark Finanzplaz a seng Oppenheet besonnesch exposéiert. Déi weltwäit Konjunktur huet en direkten Afloss op d'Lëtzebuerg Wirtschaft. Duerfir geheie mir kuerz e Bléck ronderëm de Globus. D'Weltwirtschaft dréit gutt den Ament. Am éischte Semester vun deem Joer huet et weltwäit wirtschaftlech nach eemol ugezunn an den FMI geet bei senger Projektion vun engem weltwäite Wuesstum vun 3,6% dëst Joer an 3,7% dat nächst Joer aus. Dat ass méi wéi zolidd. An et ass e Wuessstum, dee wichteg ass, fir d'Aarmut uechtert d'Welt ze bekämpfen, fir de Chômage erofzedrücken a fir esou ville Leit wéi méiglech d'Chance ze ginn, fir hir eege Situatioun ze verbessern.

Et ginn awer och eng Rei politesch a wirtschaftlech Entwécklungen a Risiken, déi ee genee am A behale muss, fir dass si sech net negativ op d'Konjunktur auswirken. E Land, wat op der wirtschaftlecher Welkaart ëmmer méi eng grouss Roll spillt, ass China. D'Fro, déi sech hei stellt, ass, ob den Exportvizeweltmeeschter et packt, déi eege Consumatioun am Land unzereegen an dee ganz héije Wuesstum bäizebehalen.

D'Entwécklung vun den Zënsen ass e weidere Facteur, den ee genee am A behale muss. Och politesch Risike kënnen ganz séier de Wuessstumsmoteur un d'Tuckere bréngen. Spéistens säit dem Untrëtt vum President Trump a sengem „America first“ si protektionistesche Iddien erëm in. Nei Handelsbarrière si kuerz- a mëttelfristeg e Risiko fir de weltwirtschaftleche Klima. Politesch Tensiounen a Konflikter sinn doriwwer eraus eng permanent Gefor, grad an Zäite wou déi gréisste Weltmuecht och emol gäre Weltpolitik iwwer Twitter mécht. Suerge mécht den Ament besonnesch de Konflikt mat

Nordkorea, den net zum Ausléiser vun engem nukleare Wettrüsten an der Regioun dierf ginn.

Zréck an Europa: virop de Brexit. D'Britten hunn als Éischt emol gehandelt an duerno ugefaangen, ze iwwerleeën. Mam Resultat, dass ganz vill Froen opstinn a bis ewell ganz weineg Äntwerte konnte fonnt ginn. En éischt Virkommen an de Verhandlungen tëschent Groussbritannien an der Europäescher Kommissioun ass d'lescht Woch annoncéiert ginn, mä et ass e kleng Schrëtt vu villen, déi nach nokomme mussen. Wann eppes schiedlech ass fir eng gutt Konjunktur, dann ass et Onsécherheet.

Duerfir leit déi brittesch Konjunktur momentan. Ech hoffen, dass den éischte wäissen Damp, den elo d'lescht Woch aus den Negociatiounen opgestigen ass, net nëmmen e Stréifeier ass. An deem Kontext bleift och ze hoffen, dass eisen däitschen Noper als stäerkst europäesch Wirtschaft schnell zu enger stabiler Regierung fënnt, fir senger Roll an Europa an dese politesch schwierigen Zäite kënnen gerecht ze ginn.

Wéi gesäit et elo an der Eurozon aus? Wat d'Wirtschaftsprevisioun betrëfft, stinn d'Luuchten erëm op gréng. No der europäescher Finanz- a Wirtschaftskris an de Joren 2008 bis 2012 ass d'Eurozon erëm „back on track“. D'Wirtschaft wiisst, an dat onënnerbrach säit eppes méi wéi véier Joer. D'Previsioun fir 2017 leien tëscht 1,7% an 2,2%. Wat hei besonnesch erfreesch ass, ass, dass dese Wuesstem op d'Bannennofro zrëckzeféieren ass, wat weist, dass d'Kafkraaft bei de Leit erëm ugezunn huet an d'Vetrauen erëm do ass.

Och um Aarbechtsmaart ass d'Entwécklung positiv, mat engem Chômagetaux, dee kontinuéierlech erofgeet. Leider muss een awer hei nach ëmmer grouss Differenzen tëschent den eenzelne Länner feststellen. A Griichenland ass méi wéi all Fënneften op der Sich no enger Schaff. Dat ass dramatesch fir ganz vill jonk Leit, deenen hei keng Zukunftsperspektive kënnen gebuede ginn. Och Spuenien huet nach ëmmer e ganz héijen Taux, och wann d'Stëmmung sech lues a lues ophelt.

Komme mir elo op Lëtzebuerg! Lëtzebuerg bréngt et fäerdeg, besser dozestoe wéi déi allermeeschten EU-Länner. D'éischt Semester 2017 hate mir dem Statec no e Wuesstem vun 3%. Fir d'ganz Joer geet de Statec vun engem Wuesstum vun 3,4% aus an d'nächst Joer souguer vu 4,4%. Domadder leie mir an äänleche Parag wéi déi lescht zwee Joren, wou d'Zuele jo vum Statec nach no ënne revidéiert gi sinn.

Wat déi eenzel Branchë betrëfft, ass d'Tendenz generell favorabel. De Finanzsektor steet zwar en termes de volumes mander favorabel do, allerdéngs sinn d'Resultater en valeur och hei gutt. D'Kursen op der Bourse sinn d'ganz Joer iwwer geklommen an et gëtt och eng gutt Dynamik bei de Kreditter fir d'Privatstéit an d'Entreprises. Allerdéngs ginn déi generell Fraisen am Secteur an d'Luucht. Dëst huet mat den Investitiounen ze dinn, fir eis Banke konform zu den neien internationale Reglementatiounen ze maachen.

Et héiert een an Tëschenzäit och erëm Stëmmen, déi virun der Gefor vun ze strengen Oplage warnen. Hei gëllt et an Zukunft, dee richtegen Equilibre ze fannen, fir datt sech eng Bankekris net widderhëlt, a mer gläichzäiteg awer och net an eng Iwwerreglementatioun erarutschen.

Bei deenen anere Secteuren dréit besonnesch d'Baubranche gutt. D'Industrie läit dogéint e bëssen hannert den Erwaardungen zrëck, mä och hei ass den Ausbléck optimistesche, well d'Carte mat de Commandé gutt gefëllt sinn.

Wat d'Inflatioun betrëfft, geet dës erëm an d'Luucht, wat gréisstendeels de Präisser vun de Rohstoffe geschëllt ass. Mir leien do dëst Joer bei 1,8% an domat zimlech genau an deem Beräich, wat vun der Europäescher Zentralbank als erstriewenswäert ugesi gëtt. De Statec geet awer dovunner aus, dass d'Inflatioun Enn des Joers awer erëm e bëssen noloosse wäert. Dëst virun allem weinst den 20 Stonne gratis Kannerbetreuung, déi d'Regierung jo dës Rentrée agefouert huet an déi fir vill Elteren d'Präisser an der Kannerbetreuung däitlech no ënnen dréckt.

Beim Schafe vun Aarbechtsplazen hu mir eng positiv Entwécklung vun eppes méi wéi 3% Zouwuess. Mir stellen awer fest, dass d'Unzuel vu Frontalieren, déi eng Plaz fannen, méi staark wiisst wéi bei de Residenten, wat weist, dass Lëtzebuerg engersäits nach ëmmer eng ganz staark Unzéungskraaft huet, anerersäits awer d'Betriber och dacks net déi Qualifikatiounen hei am Land fannen, déi si brauchen.



De Chômagetaux läit am Moment bei 5,8%. Dat heescht, en ass esou déif wéi zanter sechs Joer net méi. Wat mech besonnesch freet, ass, dass de Réckgang vum Chômage virun allem deene Jonken ënner 30 Joer zeguttkënn, an awer och deene Leit mat niddreger Qualifikatioun. Jonken d'Méiglechkeet ze ginn, am Beruff Fouss ze faassen, ass eng wichteg Viraussetzung, fir dass si hir Zukunft selwer an d'Hand kënnen huelen an hiert Liewen esou opbaue kënnen, wéi si dat wëllen.

Fir de Budget opzestellen, bewege mir eis an engem europäesche Kader. Ech brauch op dëser Plaz net nach eemol d'Ursaachen ze verdeiwen, mä eng wesentlech Lektioun aus der leschter Finanz- a Wirtschaftskris ass d'Mise en place vun engem europäesche Regelwierk, dem sougenannte Semestre européen. Dëst ass d'Bollwierk vun der EU, fir d'Stabilitéit vun den effentleche Finanzen vun deene verschiddene Länner ze garantéieren a fir d'Eurozon besser fir extern Schocken ze rüsten.

Virewech: Déi Europäesch Kommissioun huet eis an hirem Avis iwwert de Plan national de réforme fir dat lafend Joer eng bonne Note ausgestallt. Si konfirméiert, dass Lëtzebuerg säin Objectif à moyen terme, den OMT, net nëmmen erreecht, mä säin Objektiv souguer daitlech iwwertrëfft. D'Kommissioun hieft awer natierlech och d'Erausforderunge fir Lëtzebuerg ervir, déi sech op laang Siicht stellen. Dëst si virun allem déi laangfristeg Käschtchen a Relatione mat dem Pensionsystem. Doriwwer eraus lueft d'Kommissioun d'Efforte vun der Regierung, fir d'Wirtschaft weider ze diversifizéieren a fuerdert d'Regierung awer och derzou op, dës weider virunzedriewen.

Wéi gesäit et elo konkret mat der mëttelfristerger Budgetpolitik aus? Well et ëmmer erëm fir Konfusioun suergt, erlaben ech mer, nach eemol dorop hinzewiesen, dass mir zu Lëtzebuerg zwou Methoden hunn, fir de Budget ze presentéieren:

- éischstens, déi europäesch, déi sougenannte SEC 2010, déi et erlaabt, kohärent an zouverlässig Vergläicher tëschent de Memberstate vun der Eurozon ze maachen an och d'Engagementer kuckt;

- an zweetens, déi Lëtzeburger Kontabilitätsregelen, déi d'Logik vun enger Comptabilité de caisse suivéieren.

Ech wëll nach eemol kloer hei soen, dass et kee richteg oder falsch hei gëtt. Bëid Methoden hunn hir Berechtigung a bëid Methoden ergänzen sech. Dofir soll een och net hei probéieren, déi eng Method géint déi aner Method auszuspielen, wat am Endeffekt nëmmen zu Konfusioun féiert.

Ier ech méi genee op de Pluriannuel aginn, wëll ech nach eemol kuerz op d'Ausgangssituatioun um Ufank vun dëser Legislatur agoen.

Mir si vu wäit hierkomm. Wéi d'Regierung Enn 2013 ugetrueden ass, war et ëm d'Statsfinanzen hei am Land net gutt bestallt. D'Finanzkris hat en déift Lach an d'Statskeese gerappt. Derbäi koun, dass d'TVA-Recetten um elektroonesche Commerce ewechgebrach sinn.

D'Ierwen, dat dës Regierung ugetrueden huet, war deemno e ganz schwéiert. Et huet misse reagéiert ginn, an et ass reagéiert ginn! Hätt d'Regierung hir Hausaufgaben zu deem Zäitpunkt net gemaach, wier et net an deem Mooss méiglech gewiescht, haut déi Politik am Interessi vun de Leit ze maachen, déi mir maachen: vun de Steuererlichterungen, iwwert de Congé parental bis hin zur gratis Kannerbetreuer.

Zréck op de Pluriannuel. Kärstéck vum Finanzplang iwwert déi nächst Jore sinn déi mëttelfristeg Budgetziler, déi all Land soll erreechen. Dës Ziler gi regelméisseg aktualiséiert am Kader vun der Aktualisatioun vum Pacte de stabilité et de croissance, dem PSC. No de leschte Konklusioun vum „Ageing Report“ huet d'Kommissioun proposéiert, beim OMT op minus 0,5% erofzuegoen. Dës Schratt ass richteg gewiescht, well et eisem Land méi Spillraum gëtt, och op konjunktorell Krisen ze reagéieren, besonnesch well d'Regierung de Spitt net ausnotzt.

Am Fréijoer huet Lëtzebuerg seng Aktualisatioun vum PSC u Bréissel geschéckt. Aus dëser Aktualisatioun geet ervir, dass mir d'lescht Joer souguer bei engem Solde structurel vu plus 2,1% louchen. 2017 an déi nächst zwee Joren geet en dann erof, fir vun 2020 un dann erëm ze klammen.

Wat d'Joren 2017 bis 2019 betrëfft, ass et hei virun allem d'Steierreform, déi spillt an domadder tëschenzäitlech de Solde structurel no ënnen dréckt. Kuckt ee sech déi estiméiert

Käschtchen vun der Steuerreform un, gëtt dat Bild schnell méi kloer:

2017 hu mir Käschtchen an Héicht vun 373 Milliounen Euro. Déi klammen dann an de Joren 2018 an 2019 op ronn 500 Milliounen. Et ass awer ze betounen, dass dës Estimatiounen Abstraktiounen maache vum positiven Impakt, deen dës Steuerreform natierlech mat sech bréngt. Mëttel- a laangfristeg wäerten d'Steuererlichterungen awer hire positiven Effet voll ausspielen. Si bréngen de Privatstéit nëmmlech Kafkraaft a setzen an de Betriber Moyene fräi, fir ze investéieren.

Am Gesetz iwwert d'Programmation plurianuelle konnt d'Trajectoire nach eemol no uewen ugepasst ginn. D'Administration publique bleift deemno iwwert dee ganzen Zäitraum vun der Programmation am positive Beräich. 2017 gëtt hei mat engem Plus vu knapp 350 Milliounen gerechent. Deen Iwwerschoss bleift iwwert déi nächst zwee Joer méi oder weineger konstant, fir da vun 2020 un op ronn 820 Milliounen eropzuegoen an 2021 da bei iwwer 1 Milliard ze landen.

De Solde vum Zentralstat bleift bis 2021 am negative Beräich, woubäi mir 2021 allerdingen quasi am Equilibre ukommen, deemno den Defizit déi nächst Joren daitlech erofgeet.

D'Administrations locales, also d'Gemengen, bleiwen iwwert déi ganz Trajectoire am positive Beräich. Bei de Gemengen huet sech dëst Joer jo e bëssen eppes gedom. Dat lescht Joer hu mir an dësem Haus eng Reform vun de Gemengefinanze gestëmmt. Eng Reform, déi laang ugeduecht war, mä et war dës Regierung, déi hei Neel mat Käpp gemaach huet.

► **Une voix.** - Ganz gutt!

► **Mme Joëlle Elvinger (DP), rapportrice.** - Si spullt de Gemengen all Joer ronn 90 Milliounen méi an d'Keesen.

De friéiere Fonds communal de dotation financière an d'Gewerbsteier sinn an en eenzeg Dëppen zesummegeleuecht ginn an d'Verdéelungskritäre sinn ugepasst ginn. Doduerch gëtt d'Schéier vum Pro-Kapp-Akommens tëschent deenen eenzelne Gemengen daitlech méi kleng. Virun allem déi Gemengen, wou vill Leit liewen a schaffen, sinn daitlech Gewënner. Si hunn elo méi Suen zur Verfügung, fir hire Service um Bierger ze verbesseren an awer och fir hire landesplanereschen Aufgaben gerecht ze ginn.

Wichteg ass hei ze betounen, dass e Kompensationsmechanismus derfir suergt, dass keng Gemeng manner Suen erakritt, wéi dat am Referenzjoer 2015 de Fall war. Wann ee sech de Gesamtvolumen vum neie Fonds de dotation ukuckt an dësem Joer a wann d'Previsiounen fir dat nächst Joer richteg sinn, da kann een awer elo scho feststellen, dass ënnerhalb vu kuerzer Zäit keng Gemeng méi op déi finanziell Kompensatioun ugewisen ass. Kucke mer op d'Trajectoire fir d'Entwécklung vun de Recetten an Depensen iwwert déi nächst Joren, gesi mir, dass d'Gemengen och déi nächst Joren op zolitte Feëss stinn.

De Volet vun der Sécurité sociale weist och iwwert déi nächst Joren daitlech en Iwwerschoss vun iwwer enger Milliard pro Joer op. D'Trajectoire weist awer, dass deen Iwwerschoss lues awer sécher déi nächst Joren no ënnen tendéiert, well méi Leeschtungen, virun allem bei de Pensionen, an Usproch geholl wäerte ginn.

Déi positiv Entwécklung um Aarbechtsmaart den Ament bewierkt awer, dass d'Cotisatiounen fir d'Pensionsversicherung tëschent 2017 an 2021 viraussichtlech an der Moyenne ëm 5,3% an d'Luucht ginn. Domadder bleift den Iwwerschoss weiderhin op engem héijen Niveau an d'Reserve gi weider opgebaut.

Och d'IGSS konfirméiert, dass d'Finanzsituatioun vum Pensionsregime den Ament éischter komfortabel ass. Effektiv hate mir Enn 2015 eng Reserv, déi 4,37-mol esou héich ass wéi de Montant vun de Prestatiounen pro Joer.

D'Situatioun ass also den Ament gutt, mä mir wëssen awer, dass eise Pensionsystem ganz staark op Wuesstum opgebaut ass an den zweeten an drëtten Piler weider musse gestärkt ginn. D'Regierung huet dofir an dëser Legislatur en Aarbechtsgrupp agesat, dee Recommendationen fir de Pensionsystem ausschafft.

Bei der Gesondheetskeess hate mir dëst Joer d'Situatioun, dass den Iwwerschoss méi héich wéi den erlaabten Taux vun 20% vun de lafende Käschtchen louch, soudass de Comité quadripartite decidéiert huet, verschidde Prestatiounen, besonnesch wat d'Zänn an d'Brëller betrëfft, an d'Luucht ze setzen. Alternativ hätt ee kënnen d'Cotisatiounen erofsetzen, mä d'Quadripartite huet sech fir méi Leeschtung entscheet. Et ass op jidde Fall eng Mesure, déi grad deene Leit mat méi klengem Akommens dobaussen zeguttkënn.

Trotz dëse generell zolitten Zuele vun der Sécurité sociale musse mir d'Depensé genee am Bléck behalen, natierlech besonnesch um Poste vun de Pensionen. D'Depensé vun der Sécurité sociale klamme viraussichtlech an der Moyenne ëm 5,5% d'Joer bis 2021, heivunnen besonnesch d'Ausgabe fir d'Pensionen, déi mat 6,2% klammen an och d'Assurance maladie-maternité, déi ëm 5,9% klëmmt.

Ech kommen elo op d'effentlech Schold.

Dës stabiliséiert sech nom Budget pluriannuel am Joer 2018 bei ronn 22,7%, fir am Joer 2021 bei 21,6% erauszekommen. Dëst ass daitlech ënnert der Limit vum 30%, déi d'Regierung sech am Regierungsprogramm gesat huet. Wann ee bedenkt, dass de Comité de prévision am Joer 2013 à politique inchangée vun 29,2% fir 2016 ausgegangen ass, weist dat, dass dës Regierung hei exzellent geschafft huet.

Ze ernimmen ass nach, dass d'Regierung an dëser Legislatur nient der Emissioun vum Sukuk vun 200 Milliounen am Joer 2014, dee jo fir d'Finanzplaz wichteg war, eréischt am Februar dëst Joer deen éischten Emprunt vun zwou Milliarde gezunn huet. Dësen Emprunt ass iwwerengs zu engem historesch déiwen Zënstaun opgeholl ginn, soudass d'Fraise sech fir de Lëtzeburger Stat hei a Grenzen halen.

Mir kënnen also mat enger gewëssener Zefriddenheet feststellen, dass de Solde structurel déi nächst Joren daitlech iwwert dem OMT bleift, an dat iwwert déi ganz Trajectoire bis 2021 hin. Mir kënnen och eng graduell a signifikativ Verbesserung vum Sold beim Zentralstat feststellen.

Den Trend stëmmt. Déi nächst Jore geet d'Schéier tëschent de Recetten an Depensen ëmmer weider zesummen, well d'Recetté méi schnell wuesse wéi d'Depensen. Bleiwe mir op dëser Trajectoire, packe mer quasi den Equilibre vum Zentralstat am Joer 2021, wat ouni d'Efforte vum Zukunftspak net méiglech gewiescht wier. Erfreelech ass, dass dëst Zil erreecht gëtt, ouni bei den dréngend noutwendigen Investissementen ze spueren.

Wann ee vun den nächste Generationen am Kader vum Budget schwätzt, da kënn een net laanscht déi effentlech Investitiounen. Wien an den Investitiounen spuert, spuert op Käschtchen vun den nächste Generationen. D'Regierung ass bei der Sanéierung vun de Statsfinanzen ni deen einfache Wee gaang, well si huet d'effentlech Investitiounen ëmmer héichgehal. An der Period vun 2014 bis 2018 wäert dës Regierung iwwer zéng Milliarden investéiert hunn, zéng Milliarden, déi batter néideg sinn, fir d'Retarden op allen Niveauen opzehuelen.

D'nächst Joer wäert och weider massiv an d'Mobilitéit hei am Land investéiert ginn. Dës Sonndeg ass eng nei Ära an der Mobilitéit zu Lëtzebuerg agelaut ginn. Et ass zwar eréischt e klengen Tracé, mä säit dësem Weekend kënnen mir all mat der neier Gare am Pafendall an der éischter Tramsstreck e Virgeschmaach huelen op d'Mobilitéit vun der Zukunft an der Hauptstadt.

Weider grouss Investitiounen stinn um Plang. Ech denken hei beispillsweis un en zweet Gleis op der Zuchstreck Hamm-Sandweiler, de Pôle d'échange Houwald, d'Extensioun vum Tram op d'Cloche d'Or an de Findel. An ech zitieren hei nëmmen e puer grouss Projete vu villen. Et geet nëmmlech net duer, nëmmen iwwer Stau an iwwer iwwerfëllte Busser an Zich ze lamen-téieren. Ouni massiv Investitiounen an d'Infrastruktur beweegt Lëtzebuerg sech net vum Fleck, an dat wuertwärtlech.

Ech ginn also net weider op déi sëllec Infrastrukturprojeten an. Mir hate jo eréischt d'lescht Woch op dëser Plaz e groussen Debat, wou dat am Detail diskutéiert ginn ass.

Här President, Dir Dammen an Dir Hären, ech kommen elo op d'Gesetz iwwert de Budget fir den Exercice 2018.

Natierlech gëtt et do eng ganz Rei Iwwerschneidungen, op déi ech net am Detail wäert agoen. Ze preziséieren ass, dass mir eis hei erëm an der Logik vun de Kontabilitätsregele vum 99er Gesetz iwwert de Budget, d'Kontabilitéit an d'Tresorerie vum Stat befannen, an net méi an der europäescher Kontabilitätslogik.

Wéi steet et elo mat de Konte vun 2016?

No der Lëtzeburger Methodologie, déi jo eng reng Logik „Caisse“ huet, hu mir d'Konte vun 2016 mat engem Defizit vu knapp 1,3 Milliarden ofgeschloss. Dësen Defizit erkläert sech virun allem duerch verschidden exceptionnel Aktiounen wéi de Remboursement vu Prëten an Héicht vu 400 Milliounen Euro, zousätzlech Dotatiounen fir de Fonds du rail an de Fonds des routes, an eng néideg Kapitalerhéijung vu Lëtzebuerg am internationale Währungsfong an Héicht vun 285 Milliounen Euro.

Rechne mer déi extraordinär Ausgaben eraus, komme mer nach op en Defizit vu ronn 250

Milliounen, a schneiden domadder ronn 180 Milliounen besser of wéi am Budget virgesinn.

Beim Compte prévisionnel fir 2017 gesäit et den Ament esou aus, dass d'Depensen an d'Recetté ganz no beim votéierte Budget wäerte leien. Déi lafend Recetté leien um Schluss vum drëtten Trimester bei 77% vum votéierte Budget fir 2017. A bei de lafenden Ausgabe si mir bei 78%.

Et ass ëmsou méi erfreelech, dass d'Regierung hei esou no bei den Estimatiounen läit, well mir jo am vergaangene Joer vill iwwert den Impakt vun der Steuerreform diskutéiert hunn. Deen een oder aneren hat do gemengt, d'Käschtchen vun der Steuerreform wiere vun der Steiervverwaltung an dem Finanzministère ënnerschat ginn. Déi aktuell Zuele weisen awer, dass deem net esou ass. Ganz am Géigendeel leie mir hei ganz no un de Budgetsprevisiounen fir 2017.

Komme mer op de Budgetsprojete fir 2018.

Hei geet de Finanzminister vun engem Total vun de Recetté vun eppes iwwer 14 Milliarden aus, an engem Total vun Depensé vun eppes Klengs iwwer 15 Milliarden. Am Verglach zum initiale Budgetsprojete sinn och nach 20 Regierungsamendementen nokomm. D'Gesamtkäschtchen vun dëse belafte sech insgesamt op 20 Milliounen Euro. Deen héchste Posten heivunnen ass de Pappecongé mat engem Käschtchenpunkt vu ronn 12 Milliounen Euro.

Ech wëll awer op dëser Plaz op d'Upassungen an der Allocation de vie chère verweisen. Doderer, dass an Zukunft net méi d'Kannergeld an d'Berechnung fir d'Feststelle vum Revenu affléist, wäerten an Zukunft 1.500 Stéit méi vun dëser Allocatioun kënnen profitéieren. Dobäi kommen eng 700 Communautés domestiques, déi an Zukunft kënnen déi voll Allocatioun bezéien, amplaz wéi am Ament nëmmen eng partiell. Dës Mesure ass eng konkret Bekämpfung vun der Kannerarmut hei am Land.

Eise Sozialsystem an eis Sozialtransferten hänken dovunner of, dass eist Land et och an Zukunft fäerdegbréngt, nei Recetten ze generéieren. Ech ginn do elo net genee op d'Zusammensetzung vun de Recetten an, déi aus den direkten an indirekte Steiere bestinn, wéi och aus diversen anere Quelle wéi Participatiounen. Dat alles kann ee genee am schrëftleche Rapport noliesen.

Et ass awer esou, dass déi direkt an indirekt Steiere bei Wäitem dee gréisste Poste vun de Recetten ausmaachen. Bemierkenswäert ass, dass trotz de Steuererlichterungen domadder ka gerechent ginn, dass d'Steierrecetten ëm 6,2% klammen. Och bei den indirekte Steieren ass mat enger Progressioun vu ronn 7,5% ze rechnen, wat virun allem op d'Recetté vun der TVA zréckzeféieren ass.

Déi Posten, déi bei den Depensen am meeschte klammen, sinn d'staatlech Participatioun an der Pensions- a Krankenversicherung souwéi d'Personalkäschtchen beim Stat. Nient neie Posten, besonnesch an der Educatioun a bei der Police, hu mir am Januar d'nächst Joer och eng Augmentatioun vum Punktwäert an Héicht vun 1,5%, déi d'Käschtchen an d'Luucht dréckt. Och de Congé parental schléit mat Méikäschtchen zu Buch, wat engersäits op dee méi héije Montant zréckzeféieren ass, awer anerersäits och weist, dass déi nei Flexibilitéit op groussen Erfolleg stéisst.

Här President, d'Finanzkommissioun hat vill Echanges, souwuel ënnereene wéi och mat externen Organismen. Doraus sinn eng Rei Recommendationen entspan, op déi ech hei wëll kuerz agoen.

D'Ratingagencen hu kierzlech den Triple-A mat engem stabillen Ausbléck fir Lëtzebuerg konfirméiert. Dës Rating bestätegt déi virsiichteg Finanzpolitik vun der Regierung. An och an Zukunft hält d'Finanzkommissioun et fir wichteg, dësen héchste Rating ze behalen, a fuerdert deemno d'Regierung op, d'Finanzpolitik an deem Sënn virunzeféieren.

Der Regierung ass et och gelongen, eng Steuerreform ëmzesetzen, déi fir méi Gerechtegkeet suergt. Dës Reform huet kuerzfristeg e gewësene Budgetsimpakt an trotzdeem schneide mir beim Solde structurel daitlech besser of wéi d'europäesch Virgaben. Och den Taux vun der Schold bleift daitlech ënner 30%. Dës Spillraum soll d'Regierung sech an Zukunft loosse, fir och op Improvise kënnen ze reagéieren.

Iwwert déi lescht Joren huet d'Regierung bei där neier Budgetsprozedur vill Wäert op Transparenz a Kloeerheet geluecht, dëst souwuel bei der nationaler Annex vum PSC, déi am Abrëll presentéiert gëtt, wéi och beim Gesetzesprojete iwwert de Pluriannuel. Et soll een awer doriwwer nodenken, ob ee mëttelfristeg de Volet pluriannuel vum Budget trennt. Eng Méiglechkeet wär, dass de Pluriannuel schonn a gekierzter Form am Abrëll virgestallt géif ginn.

D'Finanzkommissioun fuerdert d'Regierung iwwerdeems op, d'Digitaliséierung souwuel an



der Steierverwaltung wéi och am Enregistrement virunzedriewen. Dëst géif net nëmmen d'Aarbecht vun de Verwaltungen erliichten, mä et och erlaben, méi präzis Donnéeën ze sammelen iwwert de Profill vun de Steierzueler an d'Hierkunft vun deene verschiddene steierleche Recetten. Dëst hätt de grouse Virdeel, dass an Zukunft den Impakt vu verschiddene Steiermesuren op de Budget méi schnell an effikass kéint ageschat ginn.

D'Reform vum Rettungsdéngscht trëtt d'nächst Joer den 1. Juli a Kraaft. D'Zesummeleeë vun den lokale Rettungsdéngschter an e Corps unique wäert och eng finanziell Belaaschtung fir d'Gemengen no sech zéien. D'Finanzkommission proposéiert dowéinst, dass d'Kontribution vun de Gemenge fir d'Fonctionnementskäschte vum neie Rettungsdéngscht regelméisseg analyséiert gëtt. Besonnesch d'Entwécklung vun de Käschte fir déi kleng Gemenge muss genee suivéiert ginn, fir datt et hei net zu enger iwwerméisseg Belaaschtung kënn.

Als lescht Recommandatioun schwätzt sech d'Finanzkommission derfir aus, och an Zukunft verstärkt Jugendorganisationen am Kader vun de Budgetgesetzer ze gesinn. Mir sollten näamlech och grad deenen eng Stëmm ginn, déi an Zukunft mat eisen Entscheedunge vun haut wäerte liewen.

Ech wëll awer och nach all den Institutionen an Organisme Merci soen, déi en Avis zu deenen zwee diskutéierte Gesetzer ofginn hunn. Et waren deels ganz fondéiert an explizit Avisen, déi e wäertvollen Apport fir d'Redaktioun vun dësem Rapport bruecht hunn. Ech ginn elo mëndlech net am Detail op déi eenzel Avisen an. Et fënnt een déi verschidde Positionen am Detail am schrëftleche Rapport.

A wann ech scho bei de Mercie sinn, da géif ech direkt nach dervu profitéieren, fir nach e puer Mercie lasszeginn, ier ech dann zum leschten Deel vu menger Ried kommen.

Ee grouse Merci geet och nach un all d'Membere vun der Finanzkommission fir déi konstruktiv Diskussiounen; un d'Sekretärin vun der Finanzkommission, d'Caroline Guezennec, fir seng detailléiert a präzis Aarbecht; un d'Mataarbechter vum Finanzministère a vun all de Verwaltungen an Organismen, mat deene mir en Austausch an der Finanzkommission hatten; an awer och un all déi Leit an Associatiounen, mat deenen ech ausserhalb vun der Kommission nach en Austausch iwwert de Budget hat. A besonnesch och deene Jugendleche e grouse Merci fir hiren Interessi. An dann nach e grouse Merci och un eis Mataarbechter aus der DP-Fraktioun, a ganz besonnesch un d'Françoise Schlink an den Gene Kasel fir hir Ënnerstützung an hiren Asaz bei der Redaktioun vum Budgetsrapport.

Här President, ech hat uganks gesot, datt sech hannert de plakege Budgetzuelen e ganze Package u politesche Mesurë verstoppt, déi d'Leit an hirem Alldag direkt an indirekt concernéieren.

Hieft een de Schleier vum abstrakten Zuelematerial, fënnt een am Budget 2018 virun allem eppes: ganz vill Zukunft! Déi politesch Kontinuitéit, déi sech an all de Budgete vun dëser Legislatur ermëfent, ass d'Suerg vun der Regierung, den Alldag vun de Leit haut ze erliichten a gläichzäiteg deene Jonken e gudde Wee an d'Zukunft ze preparéieren. Dofir brauch et ganz vill pragmatesch Politik, awer och politesch Visionen.

Wann d'Gesellschaft sech verännert, da kann d'Politik net stoe bleiwen. An eis Gesellschaft,

déi ännert Dag fir Dag um klengen an iwwer Joren a Jorzéngten um grouse Plang.

Ouni den Usproch ze hunn, komplett ze sinn, wëll ech op dëser Plaz op véier fir mech grondleeënd gesellschaftlech Changementer agoen.

Déi éischt a vläicht och déi gréisste Verännerung, déi eis Gesellschaft iwwert déi lescht Jorzéngte kann huet, ass an der Aart a Weis, wéi mir zesummeliewen. Niewent dem sougenannte klassesche Familljemodell ass d'Aart a Weis, wéi mir liewen, méi bont ginn. Ob mat Trauschäin oder ouni, Patchwork oder Pacs: D'Bild vun der Famill ass méi villschichteg ginn. Awer och d'Gläichberechtigung vu Mann a Fra verlaangt an der Familljepolitik Upassungen, well d'Politik ass do, fir sech de Leit unzepassen, an net ëmgedréit.

Déi zweet Verännerung läit an der Zesummesetzung vun eiser Gesellschaft. De Standuert Lëtzebuerg ass e Magnéit, dee vill Leit mat ënnerschiddleche Backgrounden an eist Land bréngt. Dës Heterogenitéit vun der Bevëlkerung sicht weltwäit hiresgläichen. All déi Mënsche beräicheren eist Land a kultureller a mënschlecher Hisiicht immens.

Mä natierlech stellt eis déi staark Immigration och virun Erausfuorderungen, besonnesch um sproochleche Plang a bei der Organisation vum Mateneen an eiser Gesellschaft.

Déi drëtt grouss Verännerung sinn déi grouss technologesch Entwécklungen am Kader vum Digitaliséierungsprozess, wou mir eis matten dra befannen. Esou Ëmbréch, déi duerch den technologesche Fortschritt entstinn, passéieren ëmmer méi séier an ëmmer méi massiv. Duerfir dierf d'Politik esou Entwécklungen net verschlofen, mä si muss se aktiv begleeden.

An déi véiert Verännerung, déi vläicht déi gréissten Erausfuorderung fir d'Mënschen duerstellt, ass de Klimawandel. Quasi a leschter Sekonn huet d'Welt am Joer 2015 mam Paräisser Ofkommen d'Noutbrems gezunn. Mä maache mir eis näischt vir: Dësen Accord bedeit fir déi nächst Joren, dass mir massiv eis Ressourcen an eis Innovationskraaft a klimafrëndlech Alternative stieche mussen. A priori hunn dës véier grouss Changementer weineg gemeinsam, mä si verbënnt, dass all dës Erausfuorderungen haut politesch Decisiounen verlaangen, déi d'Weiche fir d'Zukunft vun eistem Land stellen.

Här President, erlaabt mer, an deem Kontext just op e puer Politikfelder anzegoen, wou ech iwwerzeegt sinn, dass et besonnesch wichteg ass, op dës grouss Erausfuorderungen ze reagéieren! Ee Beräich ass d'Schoul.

D'Schoule sinn de Spigel vun eiser Gesellschaft. 43% vun eise Schüler hunn net déi lëtzeburgeresch Nationalitéit. Nach méi, näamlech 63%, soen, dass si doheem eng aner Sprooch schwätze wéi Lëtzeburgeresch. An dës Tendenz klëmmt. D'Erausfuorderung fir d'Politik läit also doranner, e Schoulsystem unzëbilden, deem dës heterogener Populatioun gerecht gëtt. De sproochlechen oder sozioekonomesche Background dierf näamlech net doriwwer entscheeden, ob e Kand am Liewe virukënn oder ënnerwee hänke bleift.

Ech ginn elo net op déi sëllegen Initiative vum Bildungsminister am schoulesche Beräich an, sief et d'Lycéesreform oder déi besser Betreuung vu Kanner mat Léierschwieregkeeten.

Ech wëll awer op dëser Plaz nach eemol besonnesch op déi multilingual Frëifërderung verweisen, déi säit dëser Rentrée zesumme mat den 20 Stonne gratis Kannerbetreuung a Kraaft ass a mat ronn 36 Milliounen Euro e substanzuelle Posten am Budget ausmécht.

Domadder wäert déi gesellschaftlech Realitéit vun der Mëisproochegkeet dobaussen och hire Wee an d'Crèche fannen. Well wéi ass d'Realitéit bis ewell gewiescht? Friemsproocheg Kanner sinn dacks a franséischsproocheg Crèche gaangen. Si wäerten an Zukunft schonn an der Crèche en éischte Kontakt mat Lëtzeburgeresch kréien. Ëmgedréit gëtt awer och en éischte spilleresche Kontakt mam Franséische garantéiert.

En anere Beräich ass d'Famill. Nieft den neie Familljemodeller ass et virun allem d'Emanzipatioun vun de Fraen, déi d'Gesellschaft säit engem gudden hallwe Jorhonnert verännert. Dëst betrëfft souwuel den Aarbechtsmaart wéi awer och d'Organisation vum Familljeliewen. Ware mer 1983 nach wäit dovunner ewech, dass iwwerhaupt all zweet Fra am Alter vu 25 bis 49 Joer schaffe gaangen ass, esou ginn haut méi wéi dräi Véierel vun de Fraen an deem Alter schaffen. Ëmgedréit kann een awer och vun enger Emanzipatioun vum Mann schwätzen, deen och ëmmer méi de Wonsch huet, sech an d'Kannererzëhung anzubannen.

► **Une voix.** - Très bien!

► **Mme Joëlle Elvinger (DP), rapportrice.** - Déi traditionell Rolleverdeelung verschwëmmt. Esou ass den Taux vun de Männer, déi e Congé parental geholl hunn, iwwert d'Zäit staark an d'Luucht gaangen. Waren dat der am Joer 1999 nach nëmmen ëm déi 6%, esou si mer am Joer 2013 schonn iwwer 25%. An ech sinn elo ganz gespaant, wat fir en Impakt den neien, méi flexibele Congé parental nach eemol op dësen Taux wäert hunn.

Als Mamm weess ech, wat d'Duebelbelaaschtung vu Famill a Beruff heescht, besonnesch wann d'Kand nach kleng ass. Mä dat gëllt hautdesdaags net nëmme fir d'Fraen, dat gëllt och fir d'Männer.

Et ass wichteg a richteg fir d'Fraen, e Fouss am Berufsliewen ze halen. Wann ee weess, dass am Schnëtt d'Männer 46% méi Pension kréie wéi d'Fraen, da weess een och, dass eng finanziell Ofhängegkeet vun der Fra ganz schnell zu enger Aarmutsfal am Alter ka ginn. Ëmsou méi huet d'Politik d'Verantwortung, d'Veerenbarkeet vu Beruff a Famill ze ënnerstëtzen, fir dass kee vun de Partner de Choix tëschent Famill a beruflecher Carrière muss treffen.

An dëst Bild vun enger moderner Gesellschaft schreift sech den neie Congé parental, déi 20 Stonne gratis Kannerbetreuung, d'Flexibiliséierung vum Congé am Krankheitsfall vun de Kanner an awer och d'Eropsetze vum Pappecongé an. Grad de Pappecongé ass en Zeechen derfir, dass d'Gläichberechtigung an zwou Richtunge geet, well och d'Pappe sollen d'Chance kréien, sech ëm hiren neigebuerene Puppelchen ze këmmern. Duerfir geet d'nächst Joer de Pappecongé vun zwee op zéng Deeg erop, woubäi de Stat déi zousätzlech Käschtchen iwwerhëlt.

D'Ofschafe vun der Ierfschaftssteuer tëschent zwee gepacsten oder bestuete Partner ouni gemeinsam Kanner ass eng weider Upassung un d'gesellschaftlech Realitéit, wou Koppelen ouni Kanner a sougenannte Patchworkfamilljen net solle benodelegt ginn.

Och d'Méiglechkeet vun enger Individualiséierung vun de Steiere fir bestuete Koppelen trëtt den 1. Januar a Kraaft.

E weidere Politikberäich, deen ech kuerz uschwätze wëll, ass d'Aarbecht. D'Aarbechtswelt ass am Wandel. Dat ass keen neie Phänomeen. D'Welt vun der Aarbecht huet och an der Vergaangenheet grouss Ëmbréch kennt. Mir brauchen duerfir nëmmen an eis eege Geschicht zrëckkucken ze goen, wou Lëtzebuerg eng Metamorphos vum Agrarland hin zum Stölgigant gemaach huet, fir sech duerno als Finanz- a Servicezenter nei ze erfannen.

D'Regierung waart net op d'Zukunft, d'Regierung preparéiert d'Zukunft.

► **Une voix.** - Très bien!

► **Mme Joëlle Elvinger (DP), rapportrice.** - De Rifkin-Debat ass dat beschte Beispill duerfir. D'Digitalisatioun wäert d'Aarbechtswelt, wéi mer se haut kennen, op d'Kopp stellen. Aarbechtspolaze riskéieren ze verschwannen, neier wäerten entsto. D'Kompetenzen, déi gefrot ginn, wäerte sech änneren.

Mä wéi preparéiert een also déi Jonk op eng Welt, déi mir haut nach guer net kennen? Eng Äntwert gëtt d'Schoul. Informatesch Outilen mussen hire Wee an d'Schoul fannen. Duerfir ass e gratis Tablet kee Gadget, mä e Schlëssel an d'Welt vun der Digitaliséierung vu muer. Well manner wéi rengt Wësse mussen eis Schoule méi Techniken a Methode vermëttelen. Déi nei Sektoren I, Informatik a Kommunikatioun, am Secondaire an och déi méi breet Schouloffer duerch d'Lycéesreform si Mesuren, déi derzou bäidroen, eise Kanner déi Ausrüstung ze ginn, déi si muer brauchen.

Eng aner Äntwert gëtt d'Weiderbildung. De Budget 2018 gesäit hei wichteg Investitiounen vir, souwuel fir d'Personal beim Stat wéi och am Privatsektor. Initiative wéi Fit 4 Coding, Infrachain an d'Luxembourg Tech School sinn nëmmen e puer Beispiller.

Ouni an den Detail ze goen, wëll ech awer nach eemol op de Rifkin-Prozess verweisen, dee wäit iwwert den Thema Aarbecht erausgeet. De Suivi muss hei déi nächst Joren assuréiert ginn. Vill Aarbechtsgruppen hu ganz vill Zäit an Aarbecht investéiert. Mir mussen deen Know-how, dee mir do opgebaut hunn, notzen, fir eis Zukunft selwer an de Grapp ze huelen an nohalte ze gestalten.

Dee leschte Politikberäich, op deen ech kuerz wëll agoen, ass d'Klimapolitik. D'Klimapolitik ass keng ideologesch Ugeleeënheet, mä an Tëschenzäit batter Realpolitik. D'Ewechkomme vun de fossilen Energien ass keen „nice to have“, mä alternativlos, wa mir eise Jonken e liewenswäert Ëmfeld wëlle bidden.

An der Vergaangenheet ass Lëtzebuerg u senger Klimaziler gescheitert. An der Period vun 2008 bis 2012 hat eist Land sech derzou engagéiert, d'Emissionen ëm 28% erofzesetzen, dëst par rapport zum Referenzjoer 1990. Dat ass der leschter Regierung net gelongen. Si hunn eng 110 Milliounen Euro missen aginn, fir extern Zertifikater bäizekafen.

Positiv ass, dass an de Joren 2013 bis 2015 mir eis Engagementer do dergéint agehalen hunn. D'Emissionen pro Awunner sinn ëm 30% erofgaangen. An et gesäit gutt aus, dass mir och bis 2020 eis Ziler kënnen errechen.

Mir mussen eis awer bewusst sinn, dass de Paräisser Accord vun 2015 nach eemol ganz ambitiéis Ziler virgesäit. Lëtzebuerg huet hei eng grouss Obligation par rapport zu den nächste Generationen, fir konsequent seng Klimapolitik auszubauen, an dat op allen Niveauen: vun der Elektromobilitéit iwwert den Ausbau vum ëffentlechen Transport bis hin zum nohaltege Bauen an den erneierbaren Energien.

Mir mussen eis bewusst sinn, dass eist Land, genee wéi déi aner Länner, a puncto Klimapolitik nach e wäite Wee viru sech huet.

Här President, Dir Dammen an Dir Hären, ech sinn op grouss Changementer an eiser Gesellschaft agaan an hu mer erlaabt, Politikberäicher ze dekläreieren, wou säit 2013 eng sëllege politesch Mesuren hir Plaz am Budget fonnt hunn, fir dës Changementer ze begleeden.

Och de Budget 2018 ass e Budget, deen eis Gesellschaft net nëmmen op eng Welt vu muer preparéiert, mä och den Usproch huet, déi Welt vu muer matzestalten. Ee vun den éischte Schrëtt vun dëser Regierung war et, fir en Zukunftsfong fir déi nächst Generationen op d'Been ze setzen. Dëst war zu engem Zäitpunkt, wou d'Statsfinanzen net ganz esou roseg waren. Säit Enn 2014, also bannent dräi Joer, ass dës Mouk fir déi Jonk schonns op 183 Milliounen ugewuess a weider 50 Milliounen sinn am Budget 2018 virgesinn.

Dës Decisioun war eng vun deenen éischten an eng vu villen, déi d'Regierung am Interessi vun den nächste Generationen getraff huet. Et ass vill geschitt a munches muss nach passéieren. De Wonsch no méi Flexibilitéit vu Familljen, d'Erausfuorderung vun enger digitaler Welt, d'Noutwendegkeet vu klimafrëndlechen Alternativen, bei all deene Froen ass Stëllstand keng Optioun.

Mir sinn eise Jonke Léisunge schëlleg. Mir sinn hinnen dat schëlleg, well mir Verantwortung fir déi Jonk iwwerhuele wëllen an hinnen déi beschtméiglech Chancë wëlle bidden, haut an an Zukunft.

Ech soen lech Merci.

► **Plusieurs voix.** - Très bien!

► **M. Mars Di Bartolomeo, Président.** - Merci der Madamm Rapportrice. Domat si mer um Enn vun eiser Sëtzung vun de Mëtten ukomm, fir jiddwerengem och Zäit ze loosse, fir iwwert de Rapport vun der Finanz- a Budgetkommission an de Rapport vun der Rapportrice nozedanken. Muer de Moien um néng Auer hu mer Rendez-vous mam Finanzminister fir seng Stellungnam. An direkt uschlëssend kommen d'Fraktiounscheffen zu Wuert an d'Budgetdiskussiounen ginn dann och muer am Nomëtteg an en Donneschdeg weider.

Villmools Merci. D'Sëtzung ass elo eriwuer.

(Fin de la séance publique à 15.27 heures)



Suivez la
Chambre des Députés
sur Facebook,
Twitter et Instagram

